

Yougyangh Gih:

# Song Vah Lwnhgangj Dep Diegheiq, Cienzhoih Cingsaenz Haeuj Ndawsim

Mboengqneix, Bwzswz Si Yougyangh Gih Cizsuz Gihgvanh Gunghvej cujcz gij gihgvanh dangjyenz Gihvej Dungicanbu daengj bae daengz “Ranzmbanj Lauxyeng” gwnz gai Lungzgingj Sizlungz Segih, gawjbanh aen hozdung haeuj segih lwnhgangj “minzcuz doxgiet bang duetgungz • segih dangj ginz sim lien sim” caeuq daih godangz vwnzmingz saedguh seizdaih moq gij cingsaenz Gaiq Daihcibgouj Haj Cung Cienzhoih Aendangj. Vihliux hawj gij neihyungz lwnhgangj dep diegheiq, vunzlai dingq ndaej rox, geiq ndaej

maenh, bouxlwnhgangj dawz gij neiyungz lwnhgangj bien baenz vahdamzraih, aeu Vahgun caeuq Vahcuengh song vah neix bae lwnhgangj. Gaijgez le gij vwndiz mbanjiboux vunzlauz Bouxcuengh dingq mbouj rox Vahgun haenx, rag gyawj gij gvanhaeh gyoengqvunz caeuq bouxlwnhgangj, baujmaenh gij cingsaenz baez hoih neix ndaej haeuj rwz, haeuj sim, cienz gij sing ndei Dangjuncunghyangh. Baenz bak boux vunz dangdieg bae daengz yienh-cienz dingq lwnhgangj.

(Vangz Sui Vangz Saugyangh/黄瑞 黄少江)

► Aen yienhciegz song vah lwnhgangj gij cingsaenz Haj Cung Cienzhoih.



▲ Beq laep ciep dom doxdax, boux lwghag cingq ciensim ciep aendom.

## Dijyuz Minzcuz Langhbaiej Yienghndei

11 nyied 12 hauh, Lungzswng Gak Cuz Swciyen Lungzswng Siujyoz banh Gaiq Daihcib Cietdijyuz Vwnzva Minzcuz, gij cawjdaez dwg “lien ak ndang-daej, langhbaiej yienghndei, docih aendangj”. Gij hanghmoeg doxdax miz gyoengqvunz bengcag, beq laep ciep dom, diuqsang, diuqcag, doxdax buet daengj, gungh miz 1200 lai vunz camgya doxdax, daengx aen hagdangz angqangq yangzyangz. Gyawj geij bi neix daeuj, aen yienh neix dawz gij hanghmoeg dijjuz conzdungj gya haeuj ndaw godangz dijjuz bae, hwnqguh caeuq guh ndei gij sezsih dijjuz segih, youq ngoenz cietheiq conzdungj gak aen yanghcin banh gak cungj dijjuz doxdax conzdungj minzcuz, haenqrengz hwnqfat gij dijjuz yindung conzdungj minzcuz vunz-noix.

(Vuz Swnghbinh Moz Danh/吴生斌 莫丹)

## 《Duzromh Iq Mbanjcuengh》“Mbin” Daengz Lozcwngz

11 nyied 13 hauh, Swcigih Dangjvej Senhconz Bu, Swcigih Vwnzmingzban cujcz heiqmoegyau lwgnyez maenhndei 《Duzromh Iq Mbanjcuengh》 bae Lozcwngz Mulauj-cuz Swciyen Doengmonz Cin Gyaeujgiuz Siujyoz banh aen cunzyienj hozdung. Biujyienj heiq ndei hawj gij lwgnyez dieggungzhoj haenx. Gyoengq canghheiq youq ndaw biujyienj gyoengqde yungzhaeuj le gij yisuz dungman, hawj gij gingdienj lizsij lix gvaqdaej, langhbaiej le gij boiqgingj caeuq ginggvaq Bwzswz Gijyi, dajcauh aen yienghsiengq yinghyungz lwgnyez singqheiq ronghsien haenx. Gij gojgaeq sawj vunz sim gaen dwk hwnjroengz haenx hawj gyoengq lwgnyez roxyiuj lizsij, yawjdij gij saedcej seizneix, gyo' mbaiej gij ndwenngoenz hoj ndaej haenx, mizyauq gung gij cingsaenz gyaezguk cujyi, haeuj ndei aen lwggaet daih' it seiqvunz.



▲ Gyoengq lwghag Gyaeujgiuz Siujyoz ngonzvawj heiqmoegyau.

## Gij Cihsiz Gohbuj Goeng'ik Coemh Logsieng Haeuj Ndaw Hagdangz Yungzsuij



▲ Canghyw son lwghag deng coemh logsieng le vaek baenzlawz guh.

11 nyied 13 hauh, youq Yungzsuij Myauzcuz Swciyen Minzcuz Cunghyoz, boux canghyw ndeu son gij cihsiz gohbuj goeng'ik coemh logsieng hawj lwghag. Laebdaeb geij ngoenz neix daeuj, Yungzsuij Gyauyuz Giz, Veiswng Gengangh Giz, aen duenzdoih Gyangqyih Cunghyih Yihyen Baksieng Coihfukgoh lienzhah gawjbanh aen gyangico “Bi 2020 Yungzsuij mboengq gohbuj coemh logsieng” ndeu. Gij canghyw duenzdoih Gyangqyih faen baenz 5 cuj faenbied bae daengz daengx yienh 100 aen cungh siujyoz caeuq youwzyenz, son gij cihsiz gohbuj goeng'ik coemh logsieng hawj lwghag, mauhgvaq 2 fanh boux lwghag bae dingq.

(Liu Swjyenh/廖子渊)